

絃子學士手校本

同治丙寅六月
昇于吳門

抱經堂雜鈔

書



尚書大傳三卷宋志猶存近代學士大夫多不聞有是書吾鄉孫晴川氏之蘇嘗於群書中鈔撮蒼萃釐為三卷以求合於前志之數其用力可謂勤矣文昭嘗得其書而讀之如鴻範五行傳不遺文獻通考所載之詳而其間反有以向歆之文闌入之者與伏生書大不類至若錢者甫刑仍作戡黎呂刑殊不契勳而又無繫命思啟因其規模少加增損然載籍浩繁非一目所能盡偶有綴緝未必有如益於本書也吾宗雅雨先生尊經嗜古訪求此書得之吳中藏書家刊為而行之文昭得之以校孫氏之書其詳備實勝之至篇目有互異編簡有先後則皆出於掇拾之餘而非復隋唐以來之完書然求其所闕佚者



殆亦僅矣其間傳寫異同蓋所不免因爲作者異若干條且念孫氏苦心蒐討不爲無功凡有可以裨益是書者亦慎取而集錄之以繫於後使有所附以傳焉孫書名誥傳有大社唯松東社唯柏南社唯梓西社唯栗北社唯槐之文蓋本諸白虎通然北史劉芳傳引此以爲尚書逸篇未必即是大傳故余作補遺亦復不載然書中如王曰若圭璧及丕天之六律亦逸篇也則此亦不可遺也故復取以綴於此云仁和盧文昭識

尚書大傳考異

盧文昭學

急則不賦籍則不舉力殺 別本作急則不賦籍不舉力役

物之動也何以謂之春 別本物之動也下又有物之動三字

辯在朔易 周禮馮相氏注辯秩東作辯秩南譌辯秩西成辯在朔易正義云皆據書傳而言然史記索隱引大傳又作便在伏物與此不同此本闕辯秩東作辯秩南譌兩條然此兩句亦當據正義補入

得命然後祭飾車駢馬衣文駢錦 下駢字衍別本無

納之大麓之野 別本作致天下於大麓之野
在璇機玉衡以齊七政注七政謂春夏秋冬夏天文地理
人道所以為七政也人道盡而萬事順成 案史記正
義引大傳齊中也七政謂春夏秋冬夏天文地理人道
所以為政也道正而萬事順成故天道政之大也玉
海亦引此竝不云注別本有鄭氏注云轉運者為機
持正者為衡又索隱引鄭注大傳云渾儀中筭為璇
機外規為玉衡

諸侯執所受圭以朝于天子瑞也者屬也 案白虎通
文質篇引此諸侯執所受圭與璧以朝于天子多與
璧二
字在瑞也者屬也五字之下又下能改過者作能正

行者此又謂諸侯之朝於天子也舊本無朝字
溝瀆雍過水為民害則責之司空 別本作溝瀆雍過

水為民害田廣不墾則責之司空

禮縵縵兮 禮當為紉

夫山者嵬嵬然高崐然高則何樂焉 別本作夫山者

崐然高崐然高則何樂焉

夏以平旦為朔殷以雞鳴為朔周以夜半為朔 白虎
通三正篇引此作夏以十三月為正色尚黑以平旦
為朔殷以十二月為正色尚白以雞鳴為朔周以十
一月為正色尚赤以夜半為朔又下二三月白虎通
引作二月後

周以至動殷以萌夏以牙注謂三王之政也 別本作
謂三王之正月也又下冬至日別本作冬至
日亡則吾亦亡矣 別本作日有亡哉日亡吾亦亡矣
南徙十里止于不齊 別本作南徙千里
白魚入于舟中跪取出溪以燎 別本作有白魚入于
王舟王跪取出一作燎此下有鄭注云燔魚以祭變
禮也

惟丙午王還師 劉歆三統歷引今文大誓云丙午逮
師

前歌後舞 詩大明疏引大誓云前歌後舞假於上天
下地咸曰孜孜無怠白虎通禮樂篇引前歌後舞假
于上下疏所引天地二字勝

今本脫假於上下二句

不愛人者及其冑餘 他書引大傳多作不愛人者及

其儲胥

胥即
胥字

麥秀蘄兮黍禾蠅蠅 文選注引大傳作麥秀漸漸兮

禾黍油油

久矣天之無別風淮雨 文心雕龍云帝王世紀作列
風淫雨列淫義當而不奇別淮理違而新異

居而無食謂之困 別本有鄭注云止居曰食謂米也

二三子往觀之 別本作二子下竝同

四年建侯衛五年營成周六年制禮作樂七年致政
別本作七年致政成王又有鄭注云建侯衛是封衛

侯康叔論封衛之事是四年作康誥也召誥論營洛邑成周之事是五年作召誥也洛誥論致政成王之

事是七年作洛誥也鄭注不類庶人有石承注當柱下而已不出外為飾也疑當作

不以外出為飾

遂踐奄 此本在成王政篇案詩正義引此云多方傳

鄭有注云奄國在淮夷之旁周公居攝之時亦叛王

與周公征之三年滅之自此而來歸

奸宄盜攘人者 別本作奸宄盜攘傷人者

堯舜之主二人刑而天下治 別本作堯舜之聖一人

刑而天下治又下注云二人俱臯竊疑亦是一人具

臯之義

獄貨非可寶也然後寶之者 別本無後字

未有能其功者也 別本作未有能成其功者也

聽訟雖得其指 指一本作情

昔古三王愨然欲錯刑遂罰注遂刑也 別本昔古作

昔者遂刑也作遂行也

建用王極 文獻通考引此作建立王極

維金沴木注凡貌言視聽一事失則逆人之心 通考

貌言視聽下有思心二字

言之不從是謂不乂 通考又作艾下竝同

厥咎茶注君視不瞭則茶緩矣 別本視作臣案上注

俱兼君臣而言疑臣字是也

時則有草妖注草視之物可見者莫衆于草也 通考無草視之三字

厥罰恒風注思心曰土土主四時四時主消息生殺長藏之氣 通考作土王四時此下不重四時二字

厥罰恒陰注天陰養萬物陰氣失故恒陰也 通考作養氣失

六事之機以垂示我 一本垂作縣

廢祭祀注牽牛主祭祀 一本注末多之牲二字

則金不從革注故治之不銷 治一本作冶

蓋王非人不固人非天不成也 案風俗通引大傳作

蓋天非人不因人非天不成也又下種禘疏禘當作穀形近而訛

太王亶甫贅其耆老而問之曰 此下別本有鄭注云贅爲屬

遂策杖而去 別本策杖作杖策

烟氛郊社不修毀 別本作太師天公也太傳地公也

太保人公也烟氛不修山川不祀風雨不時雪霜不降責在天公城郭不繕溝池不修水泉不隆責在地公臣多弑主孽多殺宗五品不訓責在人公與此本

小異

宣王問于子春 別本作春子下同

帝入東學上親而貴仁則親疏有序 此下脫而恩相及矣五字

所以為萬物先而尊事大也 大別本作天 閑之者貫之也 周禮疏引此閑作閱貫作串上下文竝同

中者雖衆不取也命不中者雖中不取何以也 儀禮鄭注引此作中者雖不中也取 句 不中者雖中也不取 句 何以然

祭之為言祭也察之為言察也 案當作祭之為言察也

分命和仲度西曰柳谷 周禮注作柳穀別本引鄭注

云五色聚為柳日入時具五色

未命為士不得朱軒注士以朱飾之軒 注未軒字疑

衍

十四祀笙管變天大雷雨疾風 案路史又作十有四

祀鍾石笙篳變聲樂未罷疾風發屋天大雷雨帝沈首而笑曰明哉非一人天下也乃見於鍾石比此尤

詳

高山大川五嶽四瀆之屬 白虎通巡狩篇引大傳五

嶽謂岱山霍山華山恒山嵩山也江河淮濟為四瀆

爾雅疏引虞夏傳霍山為南嶽

扶寸而合注四寸為扶 當作四指為扶

丕天之大律 漢郊祀志引今文云正稽古立功立事
可以永年丕天之大律鄭注云丕大也律法也

朔而月見東方謂之側匿注側匿猶縮縮行遲貌 藝

文類聚引大傳云朔而月見東方謂之胸亦謂之側

匿注云胸縮遲貌側匿猶縮懦也亦遲貌

君政急則日行疾月行徐臣逡遁不進飢則侯王其徐

徐緩也君政緩日行徐月行疾臣放恣也 飢乃眇字

之訛眇則侯王其荼荼緩也已見上文此覆出當刪

殺君之地雖生美菜有義之士弗食 又一作大夫有

汙豬之宮雖生美菜有義之士不食

魏文侯問子夏子乃遷延而退 乃字訛當作夏又困

學紀聞引大傳子夏葉拱而進

補遺

辯章百姓 索隱引今文

神農始治農功正節氣審寒温以為蚤晚之期故立歷

名 一作日

容成作歷 黃帝命容成造蓋天儀

否不也 文選注

碩人詩曰衣錦尚黼 說文

外無曠夫內無怨女 詩正義

舜讓於德不怡 索隱引今文

七政布位日月時之正五星時之紀日月有薄食五星

有錯聚七者得失在人君之政故謂之為政玉海

五年一朝王者亦貴得天下之歡心以事其先王因助

祭以述其職故分四方諸侯為四革革主一時公羊疏

矜寡孤獨天民之窮而無告者皆有常餼詩正義

惟刑之謚哉史記集解

帝猶反側晨興闢四門來仁賢詩正義

天工人其代之傳曰夫成天地之功者未嘗不蕃昌也

潛夫論
思賢篇

予欲聞六律五聲八音采政忽索隱引

拊革著以糠白虎通引尚書大傳周禮正義云白虎通

中
亡
逸

正朔所不加即君子所不臣也白虎通

湛濁為地又曰積陰為地故地者濁陰也地不滿東南

故水潦塵埃歸焉

河色黃赤眾川之流蓋濁之積也百里一小曲千里一

大曲一直

往古之時四極廢九州裂於是女媧殺黑龍以祭冀州

鄭注云冀州取地以為名也其地有險有易帝王所都

亂則冀治弱則冀彊荒則冀豐也

堯南撫交趾於禹貢荊州之南垂幽荒之外故越也經水

注

洧盤之水出崦嵫山

禹鍊索隱引

榮播既都文今

被明都文今

文皮干合隱索

禹成五服齒革羽毛器乃備禹貢合注

貌屬木言屬金視屬火聽屬水思屬土水火者百姓之

求飲食也金木者百姓之所興作也土者萬物之所資

生也是為人用尚書正義

伊尹母孕行汲水化為枯桑其夫尋至水濱見桑穴中

有兒乃收養之

伊尹相湯伐桀戰於鳴條春秋地名考

詩云非知之艱行之惟艱周禮正義

文王受命四年伐昆夷采薇為伐昆夷而作

司馬在前詩大明正義引大誓周禮序引夏傳

有火自上復於下至於王屋流為烏其色赤其聲魄文今

大誓索隱云今文作流為鵠

武王伐紂都洛邑未成陰寒大雪深丈餘甲子旦不知

何五大夫乘馬車從兩騎止於門外王使師尚父謝賓

幸臨之尚父使人持一器粥出進五車兩騎軍使者具

以告尚父曰五車兩騎四海之神與河伯雨師耳尚父

各以其名進之五神皆驚相視而嘆

天一生水地二生火天三生木地四生金前四疇乃王

極之體所以建故配其生數地六成水天七成火地八
成木天九成金後四疇乃王極之用所以行故配其成
數天五生土故配之以王極一二三四皆由五數而成
六七八九是水火木金皆賴乎土而成此王極所以為
八疇之要樞也太平御覽
君道虧則日蝕人情怨則水涌溢陰氣積則下代上郭璞
注

月生三日謂之魄鄭注云魄亦作胃

尚書五行傳

心之大星天王也其前星太子也後星庶子也

洪範五行傳

地者成萬物也

北堂書鈔引鴻範五行傳

夏不數浴非愛水也冬不數煬非愛火也

著之言為耆也百年一本生百莖此草木之壽亦知吉

凶者聖人以問鬼神

周易音義藝文類聚引洪範五行傳

季夏可以大赦罪人

歷者聖人所以揆天行而紀萬國也

北堂書鈔引鴻範五行傳

雷與天地為長子以其普長萬物與其出入也

霜者殺伐之表雨雪者陰之蓄積甚也

夫握方諸之鏡處深澤之下而上引大清物類相隨可

不慎耶

成王之幼云在襁褓縛兒被也

詩正義

成王問周公曰舜之冠何如焉周公曰古之人有冒皮

而勾頰然鳳皇巢其樹麒麟聚其域也

北堂書鈔荀子注一條已見補遺中其文與此相似當是一時之言

周公疾曰吾死必葬於成周示天下臣於成王也周公死天乃雷雨以風禾盡偃大木斯拔國恐王與大夫開金滕之書執書以泣曰周公勤勞王家予幼人弗及知乃不葬於成周而葬之於畢示天下不敢臣師古引尚書大傳又也一本周公薨成王欲葬之於成周天乃雷電以風禾即盡偃大木斯拔周人大恐王乃葬周公于畢示不敢臣也

天子有事諸侯皆侍尊卑之義

儀禮疏

宗子燕族人於堂宗婦燕族人於房序之以昭穆儀禮疏綴之以食而弗殊有族食族燕之禮也

夏后逆於廟庭殷人逆於堂周人逆於戶

公羊疏

凡群妃御見之法月與后妃其象也卑者宜先尊者宜

後自九嬪以下九九而御於王所女御八十一人當九夕世婦二十七人當三夕九嬪九人當一夕三夫人當一夕后當一夕十五日而徧望後反之凡進御君所女史必書其日月授之以環以進退之生子月辰則以金環退之當御者以銀環進之箸于左手既御箸于右手孔子曰日者天之明月者地之理陰契制故月上屬為天使婦從夫放月紀一本有陽字黃帝妃嫫母于四妃之班居下貌甚醜而最賢心每自退

罪命

玉海云大傳以命為罪命

夏后氏不殺不刑死罪罰二千錕

索隱引大傳其文已見前然此尤詳

夏刑大辟二百贖辟三百宮辟五百劓墨各千周禮疏

上刑挾輕下刑挾重劉愷傳

天齊乎人假我一日後漢楊賜傳

奏百人之樂致玄鶴之舞北堂書鈔

周公封以魯身未嘗居魯也文選注

伯禽將歸于魯周公謂伯禽之傅曰汝將行盍志而子美德乎對曰其為人寬好自用以慎此三者其美德也已周公曰嗚呼以人惡為美德辱君子好以道德故其民歸道彼其寬也出無辨矣是其好自用也以歛益之也彼其慎也是其所以淺也吾語女我文王之子武王之弟成王之叔父吾於天下不賤矣然而吾所執贄而

見者十人還贄而相見者三十人貌執之士者百有餘人欲言而請畢事者千有餘人於是吾僅得三士焉以正吾身以定天下吾所以得三士者亡於十人與三十人中乃在百人與千人之中故上士吾簿為之貌下士吾厚為之貌人人皆以我為越踰好士然故士至士至而後見物見物然後知是非之所在戒之哉汝其以魯國驕人幾矣鄭注云贄者所執以至也君子見於所尊敬必執贄以將其厚意也十人公卿之中也三十人群士之中也百人群大夫之中也荀子注案此本第二卷所載與此文有詳畧故具著焉
周初淮浦徐州竝起為寇伯禽伐之於鮮作鮮誓
柴誓曰敵乃獲斂乃阱周禮注正義云今文

汝則有逸罰爾雅注正文

鳳凰在列樹論衡

澤障曰陂新唐書

古者聖帝之治天下也五十已下非烝祭不敢遊飲唯

六十以上遊飲也大戴禮注

火發於密水洩於深萬卷集

道是周公也克是太公也按大戴記賈子新書克作充弼是召公也

丞一作承是史佚也故成王中立而聽朝則四聖而維之

上全舜之在位也端由北極上全

清而明者天之體晉天文志引鴻範傳

正月雷微動而雉雖雷諸侯之象也雉亦人君之類也

初學記人君嫉賢疾善在下謀上則日蝕雨電殺走獸太平御覽

凡有所害謂之災無所害而異於常謂之異害為已至

異為方來上全

雲者起於山彌於天二句已見前陰氣也王者英中臣下敢

蔽君不明則雲陰象多蔽天光有雲如衆謂風師法有

大兵上全

沙麓者山林也

長狄之人長蓋五丈餘也

言周將興之時有大赤鳥銜穀之種而集王屋之上者

武王喜諸大夫皆喜周公曰茂哉茂哉天之見此以勸之也
春秋繁露

(Faint bleed-through text from the reverse side of the page)

武林石刻記卷二

學宮

宋高宗御書石經

錢塘倪

濤山友輯

易經二碑

書經六碑

詩經十碑

春秋左氏傳三十二碑

大學一碑
漫漶

中庸一碑

論語七碑

孟子十一碑

右碑高一尺橫三尺分四層小楷書字徑三分論孟

碑字稍大可六分

杭州府志載宣德中楊一清記其記石之數云易二書七詩十春秋四十有八論孟中庸十有九今左傳亡其十六書經亦亡其一矣

石經歌 有序

昔宋太宗嘗曰朕退朝觀書外畱意字畫雖非帝王事業不愈游畋聲樂乎迨後高宗曰寫字當寫書不惟學字又得經書不忘紹興二年宣示御書孝經繼出易詩書春秋左傳論孟及中庸大學學記儒行經解五篇總數千萬言刊石太學淳熙中孝宗建閣奉安親書扁曰光堯石經之閣新安朱熹脩白鹿書院奏請大帝石經本是也元初

西僧楊璉真伽造塔行宮故址取碑石累塔杭州路官申屠致遠力爭而止後因改學爲西湖書院歲久閣廢石經斷折零落洪武中移仁和學於書院然石經久廢人莫知畱意也宣德元年夏予出按于杭觀之慨歎迺屬郡守盧君玉潤率教官生徒四散收拾得全碑若干碎折若干一一補鑿共得經碑百片昇置殿後及兩廡見者驚嘆因作長歌備載其事云

思陵避狄東南隅臨安建國稱行都投戈講藝事經術諸經語孟咸親書字形僅比黃庭小楷法欲與爭先驅宸章赫奕麗霄漢鸞翔鳳翥昭神謨宰臣敷奏勒琬琰

工徒竭蹶爭奔趨琢成豐碑凡二百一一摹刻無遺餘
身高八尺廣踰半上圓中直安方跌列藏成均首善地
要令萬世瞻弘模淳熙紹統構傑閣覆蓋護惜同璠璣
嘗令良工打石本散布學校周寰區炎精墮海宋社屋
胡元御宇崇髡徒豪酋楊璉媚姦相走昇碑石營浮圖
路官申屠力爭止改立書院名西湖陵夷百年閣既毀
石經倒折誰匡扶小者措牆布行徑大者顛倒橫溝渠
遂令至寶逢污蠹誰復張眼來睚眦嗟予好古生何晚
忝官六察乘輶車仁和邑庠偶得見對之不覺成欷歔
岐陽之鼓久已沒東都石經今亦無俗流愛好蘭亭刻

視此何啻天淵殊急命郡守集吏卒手昇繩拽來庭除
爬抄剔洗去垢穢灰黏鐵鈕相聯挈尋行數字共合轅
妥置長廊寬更舒東西峙立無杌隉深簷蓋護何他虞
零殘塊礫埋殿後免遭賤辱居泥涂當今 聖明御四
海嚮用經術崇文儒浙江大府列藩臬聖人謨訓當弘
敷我歌石經示來者立言雖鄙良非誣

宣德二年歲在丁未秋七月朔旦巡按浙江監察御史
海虞吳訥識

右碑高三尺一寸廣一尺八寸楷書二十行每行三
十九字字大六分

宋理宗御書道統十三贊并序

朕獲承祖宗右文之緒祇適燕謀日奉慈極萬

幾餘閒博求載籍推第一碑迹道統之傳自伏羲迄于孟

子凡達而在上其道行窮而在下其教明採其大指各為

之贊雖未能探蹟精微姑以寓尊其所聞之意云爾第二碑

一行行十

紹定三年所製淳祐改元孟春祇謁先聖就賜國子監宣

示諸生第三碑四

下辛丑一印連珠文長二御書之寶方三

右三碑高三尺八寸廣二尺楷書字徑三寸

皇帝御製御書碑額篆書三

伏羲

繼天立極為百王先法度肇建道德純前

八卦成文三墳不傳無言而化至治自然

堯

大哉帝堯盛德魏魏垂衣而治光被華夷

聖神文武四岳是咨揖遜之典萬世仰之

舜

於皇聖德至孝盡倫所以為大樂善取人

惟精惟一帝心之純垂拱無為堯道是循

禹

克勤于邦

烝民乃粒

曆數在躬

厥中允執

惡酒好言

九功由立

不伐不矜

振古莫及

湯

順天應人

本乎仁義

以質繼忠

匪曰求異

盤銘一德

桑林六事

人紀肇脩

垂千萬世

文王

武王

受天眷命

繼志前人

遐邇悅服

偃武脩文

惟賢是寶

法度彰明

建用皇極

爰敘彝倫

周公

美哉公旦

翼輔成周

施兼四事

才藝俱優

制禮作樂

惠澤敷流

有大勲勞

宗社延休

孔子

聖哉尼父

秉德在躬

應聘列國

道大莫容

六藝既作

文教聿崇

今古日月

萬代所宗

顏子

學冠孔門

德行科首

聞一知十

若虛實有

樂道簞瓢 不易所守 趨步聖師 矐若其後

曾子

守約博施 反躬三省 孝為德先 祿仕不忍

聖道正傳 意會神領 一唯忠恕 門人深警

子思

閒居請問 世業克昌 可離非道 孜孜力行

發揮中庸 體用有常 入德樞要 治道權衡

孟子

生稟淑質 教被三遷 博通儒術 氣養浩然

深造自得 亞聖之賢 高揖孔氏 獨得其傳

右十三碑連額高四尺一寸廣一尺九寸楷書四行
字徑三寸

萬歷杭州府志云正德十年巡按監察御史宋廷佐
檄知府畱志淑遷仁和縣學石經於戟門外兩廡道
統十三贊於尊經閣下大學士丹徒楊一清為記曰
監察御史朝郡宋君廷佐奉命按治浙江之暇嘗求
所謂石經者曰在仁和學中故物也胡傾斥至是哉乃進
曰噫嘻此南宋太學中故物也胡傾斥至是哉乃進
杭州府知府畱君志淑問其故畱君稽閱志籍蓋宋
高宗初渡江都臨安即詔建學養士紹興二年手書

易書詩春秋論孟中庸儒十諸篇刊石於學京兆尹
趙璠老建尊經閣以儲之二十四年複製宣聖洎顏
曾以下七十二賢贊并李伯時舊所繪像皆刻石置
之學理宗紹定五年又以所製伏羲以來道統贊刻
之附諸石經之末宋亡學廢西僧楊璉真伽謀運致
諸石為寺塔址賴廉訪經歷申屠致遠之力而止然
亦僅存其半矣後改學為西湖書院諸殘碑實在焉
國朝洪武十二年卽書院建仁和學宣德二年巡按
御史海虞吳公訥慨石經殘缺屬知府盧玉潤收集
之得全刻及斷毀者若干分麗其中天順三年改置

縣學於今所其諸石悉徙以從四十年於茲宋君曰
歲久而廢物理固然惟茲盛典廢莫之興則有由矣
豈不以學宮尊崇於郡涖茲土者朔望廟謁春秋釋
奠亦惟知有郡學縣雖有學槩莫之至焉知所謂石
經者而葺之乃檄府命移置諸石於府學焉屬畱君
理其事又命通判咸寧喬遷董工役因徙圖像於尊
經閣下甃以甃甃石經及表忠觀諸碑則徙於櫺星
門北之兩偏周廊覆之既甃既堅其屋之數左二十
有二楹右如之石之數圖像十有五贊八易二書七
詩十春秋四十有八論孟中庸十有九表忠觀諸碑

十有四既訖工畱君具書肅使者屬予記慨惟經書
之在世如日麗天水行地不假形器而存與天地同
悠久者也顧秦燔漢鑿之餘不絕如綫或出於意料
之所不及有斯文之責者不得不憂託諸貞石以壽
於無窮亦維持世道計耳漢中郎筆跡已不可見唐
長安石經實與臨安後先竝美今長安故無恙而仁
和學宮獨委棄至此凡吏於茲土於茲者將不均有
責哉夫高宗之爲君復讎撥亂慙德多矣史稱其博
學強記繼體守文有足嘉者理宗之嗣統無足齒錄
然能表彰先賢崇正學變士習功不可少觀其所以

圖不朽者而其所存可知已書家李斯鍾繇雖畔道
而君子猶取其長歐虞以降殘碑裂石至一宮觀一
浮屠之微世寶之如金玉矧茲文教所關非崇長異
端游心末技者比是固可重而高宗之書精麗有法
置之名家中亦烏可棄哉抑又聞長安古石刻尚多
散漫不一往往爲都民鑿鑿以至磨滅宋韓縝脩霸
橋督工急民磨碑石以供罹此二厄存者遂鮮後直
移至西安郡庠保全至今夫寺塔之厄畧同霸橋而
郡學之遷其設心行事正相類雖物之興廢有數然
振厲脩改每存乎其人必有儒者之心而後能及此

其他非唯不肖爲亦有不暇爲者矣宋君讀書好古其所猷爲務關風教畱君志足以承上才足以濟世而任勞於下又有通判喬君故一指畫之間而百年之廢墜以集是固可書而謂後之人有復不能嗣守而保厥成者則非今日之所知矣正德十二年秋七月立

王海紹興十三年內出御書左氏春秋及史記列傳宣示館職祕書少監秦熈以下作詩以進六月內出御書周易九月四日上諭輔臣曰學寫字不如便寫經書不惟可以學字又得經書不忘旣而尚書委知

臨安府張澄刊石頌諸州學十四年正月出御書尚書十月出御書毛詩十六年五月又出御書春秋左傳皆就本省宣示館職作詩以進上又書論語孟子皆刊石立于太學首善閣及大成殿後三禮堂之廊廡

繫年錄十三年十一月丁卯秦檜奏前日蒙付出御書尚書本日欲宣示從臣時上寫六經語孟皆畢因請刊石於國子監仍頒墨本賜諸路州學詔可淳熙四年二月十九日詔知臨安府趙磻老於太學建閣奉安石經寘碑石于閣下墨本于閣上以光堯石

經之閣為名朕當親寫參政茂良等言自昔帝王未
有親書經傳至數千萬言者不惟宸章奎畫炤耀萬
世崇儒重道至矣上曰太上字畫天縱冠絕古今五
月二十四日礮老奏閣將就緒其石經易詩書春秋
左氏傳論語孟子外尚有御書禮記中庸大學學記
儒行經解五篇不在太學石經之數今按訪舊本重
行摹勒以補禮經之闕從之六月十五日御書先堯
御書石經之閣牌賜國子監

元史申屠致遠傳西僧楊璉真伽作浮圖於宋故宮
欲取高宗所書九經石刻以築基致遠力拒之乃止

元聖旨碑

詔旨

碑額篆書徑五
寸二字平列

上天眷命

皇帝聖旨蓋聞先孔子而聖者非孔子無以明後孔子而
聖者非孔子無以法所謂祖述堯舜憲章文武儀範
百王師表萬世者也朕纂承丕緒敬仰休風循治古
之良規舉追封之盛典加號大成至聖文宣王遣使
闕里祀以大牢於戲父子之親君臣之義永唯聖教
之尊天地之大日月之明奚罄名言之妙尚資神化
祚我

皇元主者施行

大德十一年七月

日右工層

惟

夫子集羣聖大成垂教萬世雖追崇之典屢臻未有備其極者

皇元大德丁未始加大成之號其所以致褒稱之隆茂以尚矣後二十九年儒學提舉臣余謙副提舉臣陳旅謂

明詔之頒它郡邑學院皆勒諸石而茲獨缺焉於是臣謙為隸古書之俾刻樹廟門用揚

休命昭示于無窮厥惟楹哉

至元二年丙子歲秋九月甲子西湖書院山長臣陳

泌拜手稽首謹書

下層

右碑高四尺七寸廣二尺八寸分二層上層八分書十三行字徑一寸二分下層楷書十七行字徑六分

元重建學廟碑

杭州路重建廟學之碑

承務郎江淞儒學提舉王大本為文

光祿大夫江淞等處行中書省平章政事提調行

宣政院事江淞都財賦事康里慶童書

通議大夫江東建康道肅政廉訪使周伯琦篆額
皇元既屋宋社稷大一統而臣萬方置江浙行中書省于
杭以鎮撫其民而封建厥福乃卽宋京學爲杭州路
儒學而省憲率羣有司以告朔謁謝於斯以春秋釋
奠於斯以育材羞耆而興賢論秀於斯於是杭學遂
爲一行省首善之地而非他路儒學所可昆弟語矣
自時厥後有廢有興或仍其舊貫或因而改爲其規
制位置猶未克丕變視雄藩大閩外執政之居命之
教而爲學者爲弗稱不有君子其孰能立隆教基於
虐燄灼天之後作新士氣爲儒林拔萃之舉乎至正

十有二年弄兵之盜濫觴於河南而橫流於江表旣
三關不守直抵杭城待暴不豫民無固志遂焚蕩我
省治延燎我比閭而杭之廟學燬焉曾無一瓦之覆
簷業窘於煨燼石經委諸焦土屬戎務方殷未遑興
復士類無所依歸彝倫失厥攸敘否傾而復圯極而
崇所以默相斯文者天意固有所屬矣
朝廷以杭寔東南甲郡地大人衆供給浩繁師帥之重
每慎厥選十又三年癸巳之冬

制授中大夫杭州路總管康里公寔來旣視篆釐務作
而言曰興舉學校承流宣化之大者也其可_レ以百

姓新免毒蠱瘡疾未瘳而謙讓未遑乎既以其事具
櫝行省移文憲司示不敢專遂經始度地略丈數物
土方揣高卑議遠邇左廟右學一循國學之制攻位
而位成乃量功命日須材計傭慮財用儲餼糧遴工
師量事期以令役于有司首建禮殿尊祀

先聖先師東西兩廡從祀位焉丹楹刻桷清廟有嚴金榜
朱扉戟門斯闢煥前規而高廣宏壯視舊址而恢廓
平寬信乎垂憲萬世賢於堯舜人有政舉道隆則從
而隆者矣先是外之石靈星門距戟門為不遠至是
則徙遷而南其深八丈有奇由公買地以拓充之也

若夫學校之建則明倫之堂弘敞高亮以隆迪教講
道之原設大小學四齋以嚴授業辨惑之會庖湍有
所倉庾有居先賢后土有祠來朋見賓有門中唐有
覽泮水有梁而學校之制大備焉蓋經始於十四年
之五月而落成於明年之五月是役也行省憲司咸
樂善以成其美倡義以佐其費同寅協恭懋相斯役
府判官張公思誠則又爰始爰謀為之矩矱而典其
規程也予謂郡縣有學學必有廟而杭之廟學乃卓
犖輪奐於極廢大壞之後一時釋老之宮燬於回祿
者衆矣其徒悉力化誘皆蓄縮弗克有為賢太守抗

志作新卓卓自任學計幾何而能化約而裕多助之
至非有福田利益以歆動之也信乎聖人之神於昭
在上如日月麗天照臨之下莫不心開目明樂成其
美先師有相之道則五星之芒寒色正者也秉彝好
德固人之所同人道敏政地道敏樹於賢太守之有
猷有爲良足徵焉公名帖木列思字周賢康里氏故
平章軍國事贈純誠佐理同德翊戴功臣追封東
平王之孫陝西行中書省平章政事忠定公之子世
篤忠貞勲業行實載在國史公累遷清要而居是
任觀其勇於見義樹功吾道而克濟其美淵源有自

來矣杭之人士相與言曰是舉也官無廢事民不知
役而吾黨與有光焉其可無述以救公功乃斲石樹
碑以圖不朽予是提學江浙徵予文以志之不敢以
膚陋辭繫之詩曰

維昔盛時建學立師以立治本以崇化基
學必有廟聿嚴祀重簷複殿示神靈爰處
東南都會甲郡惟杭首善之地萬民之望
更化云初未遑改作因陋既久靡究靡度
斯學斯廟具體而微廢興殊致倚伏一機
變生不虞竟燬于盜煨燼灰寒孰念厥紹

天錫賢侯 維蕃維宣 嘉惠斯文 不忘不愆

乃亨其屯 乃傾其否 瓦礫之場 化而棟宇

昔黯今煥 昔圯今崇 多士稽首 太守之功

我為銘詩 勒此貞石 宣昭義聞 永永無斁

至正十五年 月 日 杭州路同知朶羅歹

治中成大用 判官張思誠 推官楊維

經歷王明善 知事丁鉞 照磨解復

郡史楊迪 郎玠 沈博 王維賢 王天瑞

東南錄事達魯花赤阿老瓦丁 吏完顏本仁

教授賈天祐 學正胡黼 學錄楊英

直學鄒斯永 學吏計禹疇 夏文裕立

右碑高六尺四寸廣三尺八寸楷書三十一行每行

五十一字字徑一寸二分

元重建廟學碑

杭州路重建廟學記

翰林待制奉政大夫兼 國史院編脩官孟昉

撰

承事郎江淵等處行樞密院經歷林鏞書

榮祿大夫江浙行宣政院使廉惠山海牙篆額

至正辛丑冬十一月

宣聖廟火學宮齋舍罄為焦土江淞省丞相達識貼睦邇
平章張士信大懼教弛乃召郡侯夏思忠曰二帝三
王之盛命契為司徒敷五教周建辟雍繼世迄今君
天下者相承不墜所以明人倫厚風俗培植後進為
它日治平之用其來尚矣又

朝廷以六事課守令殿最學校居先庸可緩乎侯曰斯牧
伯之職也丞相首出白金為兩五十錢以錠計若干
平章給米以石計若干太守割俸金鄉義發私藏皆
樂為佐役費雖一木一瓦不徵諸民於是躬率羣僚
虔卜穀旦鳩力僦功荷畚鍤輦灰燼瀉材於河伐石

於山趣梓人據式圖其製匠師執尋度其用廣袤合
度脩短適宜斤者斲刃者削巧者施其巧力者輸其
力拓垣堦以宏其基積土石以隆其址禮殿歸峙衡
為間五縱如之而差淺夾室廡序合應門為間五十
有七飾以金碧錯以丹堊闌檻旁午陞戟森豎廟貌
端肅儼若在上采服施彰悉遵儀制從祀諸賢世次
位列百一十九人衛以朱蘂門之南東西相向各構
室四楹為三獻監禮官幕次又少南為門二楹題曰
泮宮門之衝鑿泮瀦水若玦跨石梁於上以便往來
又少南為朱門三表王儀也廟之東為神廚其楹四

西爲明倫堂計間七厦如堂數軒少堂之四設講席以嚴師道左右齋儀門及別門爲間三十有九堂之北構重屋三楹爲貯書所教授有廨正錄有居貢莊有粟師生有餼庖溷廩庫一無所缺尊壘爵洗簋簋俎豆之屬二千百有九鏞球琴瑟祝敔鼗鼓之屬若干皆如禮以定其數新禮生樂工服若干襲提編氓籍戶爲樂二十有八括其所費米石錢緡日工皆以萬餘計經始壬寅冬越癸卯秋就緒於戲是蹟也始以兩相孜孜興學之善終以賢侯疊疊究心之勤副以僚屬循循毗贊之力俾四代之制翦焉一新其雄

偉壯麗甲東南爲傑觀者可謂知爲政之先務無媿德於他郡矣抑嘗惟之時有理亂事有難易杭爲故宋行在所當承平之殷民庶物阜有志於斯者尚慮不易矧橫罹兵燹之餘師旅未戢彼圖功利於一時惜治體而瑣瑣者方視爲不切苟非才大夫之有能有爲知教道結人心之不淺者顧能先樂育菁莪之地躋髦士於成德達材之域哉君子是以知夏侯之優於爲治也予姑敘興造顛末之實刻諸珉石告後來者之無壞至於贊夫子之道則凜乎先儒愚惑之誅故不敢輕言以及時董工持摠者杭州路治中李

脫歡奉直知事韓元璧照磨姚翥郡史陸巽朱珍督
役者杭州路推官丁鉞經歷劉良臣嘉興路知事張
昇將仕郡史梅君禮受計材料者東北隅典史鍾德
王敬知肖
聖像者諸暨州知州齊雲漢奉訓郡史徐完璧皆與有勞
焉同任勞者教授別貼達理月沙學正姜讓直吏孫
復可陳榮祖張元英

至正二十四年 月 日

杭州路達魯花赤怯烈失亞中 按攤不花承德

薛爾吉思

杭州路總管 高禮亞中 陳忠奉議

同知梅英 治中樊玉奉議 立石

右碑高六尺廣三尺二寸楷書二十七行行四十八
字字徑一寸

西湖書院記碑

西湖書院重脩大成殿記 碑額篆書五行字徑三寸

西湖書院本故宋太學其初岳武穆王飛之第也歲丙子
學與社俱廢至元二十八年以其左為湖西憲司治所其
右

先聖廟在焉三十一年東平徐公琰為肅政廉訪使乃即

脫歡奉直知事韓元璧照磨姚翥郡史陸巽朱珍督
役者杭州路推官丁鉞經歷劉良臣嘉興路知事張
昇將仕郡史梅君禮受計材料者東北隅典史鍾德
王敬知肖

聖像者諸暨州知州齊雲漢奉訓郡史徐完璧皆與有勞
焉同任勞者教授別貼達理月沙學正姜讓直吏孫
復可陳榮祖張元英

至正二十四年 月 日

杭州路達魯花赤怯烈失亞中 按攤不花承德

薛爾吉思

杭州路總管 高禮亞中 陳忠奉議

同知梅英 治中樊玉奉議 立石

右碑高六尺廣三尺二寸楷書二十七行行四十八
字字徑一寸

西湖書院記碑

西湖書院重脩大成殿記

碑額篆書五行字徑三寸

西湖書院本故宋太學其初岳武穆王飛之第也歲丙子
學與社俱廢至元二十八年以其左為泐西憲司治所其
右

先聖廟在焉三十一年東平徐公琰為肅政廉訪使乃即

殿宇之舊改建書院置山長員主之先是西湖鎖澗橋北
有三賢堂祀唐杭州刺史白文公居易宋和靖處士林公
逋知杭州事蘇文忠公軾於是奉以來祠之

六家謚法

周公謚法

上卷三十三謚

神黃堯舜帝王侯聖禹君
湯文武獻懿宣昭明元節
景成烈孝康定穆貞果白
簡正平

中卷七十謚

安懷惠忠匡靖質戴真憲
順商翼震原功丁桓威肅
壯恭敬僖厚隱夷思愛易

殿宇之舊改建書院置山長員主之先是西湖鎖澗橋北有三賢堂祀唐杭州刺史白文公居易宋和靖處士林公逋知杭州事蘇文忠公軾於是奉以來祠之

六家謚法

周公謚法

上卷三十三謚

神黃堯舜帝王侯聖禹君
湯文武獻懿宣昭明元節
景成烈孝康定穆貞果白
簡正平

中卷七十謚

安懷惠忠匡靖質戴真憲
順商翼震原功丁桓威肅
壯恭敬僖厚隱夷思愛易

夸攜蹀懼聲息靈幽惑荒
考悼襄胡克曷閔愍哀殤
使紹嬖煬戾刺厲醜繆刑
桀紂世軍堅圍魏英趕剛

下卷一百六諡

皇公高光莊溫讓大令顯
訾嚴章祁博和熙睿德虛
舊慮決董楊仁慎智伐耐
虔禮義師玄周通信賢榮
達容理衛介堅毅愷潔直
基欽益比強良度莫類長

勇暴損慈舒蕩聞鼎密頑
墨傲閭拊噐齊深替曩坑
野諂利冲頃昏亂雪滔復
痛賊縱亢悖釐勤靜慤譽
傷知糠斥遠終

右三卷共二百九諡

春秋諡法

九十五言

神皇帝堯舜禹湯公侯聖
賢文武明昭獻宣孝元懿
景桓章莊平定敬恭貞靖

康忠僖傾愍隱思烈威穆
惠威夷懷簡克齊胡悼殤
哀沖幽靈厲煬德考匡正
慎剛懿質白慈節惠圍翼
魏安伐善原鼎密息傲聲
繼使繆夸本嵩易踈攜愛惑
戾醜桀紂荒

廣謚

九十四言

皇神帝王君文孝和仁智
禮義師順衛達公愷莫比

基欽度良長類讓溫祁周
嚴榮容理堅介毅潔直益
強勇損野暴昏聞墨舒曩
蕩謔世頑噐刑武厚元景
桓莊定敬恭貞靖忠愍穆
惠威簡襄悼殤煬正質愛
信祁震荒懼齊通英賢嬖
利功慮禹

沈約謚法

一百六十四言

神黃堯舜禹皇帝王侯聖

文武獻懿宣明昭元節景
成烈孝康定穆貞簡平正
安懷惠德忠匡靖質戴真
憲頃商翼原桓威則肅齊
莊恭敬傲僖公隱夷考悼
襄胡克曷愍哀殤使紹愛
思易夸攜疎聲息丁靈幽
惑荒糠嬖煬戾刺醜繆桀
紂世軍堅鼎圍魏祁敵厲
訾伐君渴慈順仁義達愷
玄強賢智勇師章禮和信

毅直莊理欽莫長榮度容
高周通比讓溫良个冲慎
舒曩素聞墨拊類蕩損暴
舒僭頑囂暗基益野震攝
革趨賴密

賀琛謚法

君謚美五十一

堯舜禹湯文武成康昭穆
獻憲宣景高明元安定惠
桓和僖熙恭孝襄平貞懿
簡烈威敬義章懷光德慎

大令顯聖神皇帝王君公

君謚平四

哀冲悼殤

君謚惡二十二

桀紂愍傾厲靈幽荒煬暴

惑昏亂雪滔復痛賊縱亢

悖

右美惡平七十六謚

臣謚美上一百

文武獻憲昭宣穆元景成

康和明忠孝安惠定靖烈

貞簡桓威肅壯恭懿莊平

襄節敬康懷齊僖熙夷思

慈章愷勇師質戴溫讓德

正白匡真毅潔嚴理堅良

祁益通欽比強毅達信智

賢禮仁莫榮基長度商翼

周克類鼎軍玄考原嵩圍

魏介真竭禦容慎敵趨革

臣謚美下七十四

光則敏休深恪修察敦裕

篤退廣著悅濟纘進又純
訓哲儉勤治儼果寬博舉
謙懋貢弼友逸寧復樂守
宜清固利遂華綽缺經胥
恆惇彬誠表偕多訥檢戡
邁叵允洽確遁庇偃協端
終嗣捷于
臣諡平十三
哀殤冲悼紹胡訾傲使野
舒素易
臣諡惡一百十七

愍傾隱厲靈幽荒戾煬刺
繆惑暴損蕩攜躁聲息劣
曩聞伐墨醜培愛夸替頑
噐昏嬖雪縱肆危悞干疵
諂狠褊妄偽專佞侈忍悖
驕酗讒逆誣撓僥溺詐譎
瞽要狂鄙忽腆攘諄哿脅
拙造訛費嗜詭紊姦饕餐
剝慢脫背孽愿慝貪賊盜
怨亂凶恥折輕冒覆殃儻
獲浮戮蠱酒虛訐圯毒優

恣擇懦殘苛敗霏

右美惡平四篇合三百四諡

扈蒙諡法

美諡元七十一今增為九十九

神聖堯舜禹湯文武成康

昭穆獻宣景明元安定桓

僖恭孝襄憲懿簡烈威平

德靖肅莊欽齊貞思惠夷

恆翼魏勝圍愨勇商譽度

白世良類順忠堅直長節

比克智考真質言諫知義

章光慎大顯壯剛慈讓溫

正毅畢嚴通信賢立敏裕

恪廣哲勤果則確端終

平諡元七今增為二十

哀悼殤隱丁甄閔紹聲胡

懷赦冲偃素訾易野使舒

惡諡元十七今增為三十

桀紂傾厲靈幽荒煬刺躁

息夸僭暴惑昏褊戾醜墨

繆愛棟攜復蕩曩噉縱頑

右美惡平一百四十九諡

宋本可据

易璇璣三卷 宋吳沆圖汲古閣後得舊本尚有序文

寫樣付東海後人竟未曾刻其全書亦尚有訛處不

曾修版

周易義海撮要十二卷 宋李衡 汲古宋本每首頁

有印其文云淳熙七年明州恭奉聖旨勒賜魏王府

書籍謹藏于九經堂不許借出其印精工絕倫宛然

筠州學記

易小傳六卷 宋沈該 原本未詳何自

復齋易說六卷 宋趙彥肅 天乙閣抄本

古周易一卷 宋呂祖謙

童溪易傳三十卷 宋王宗傳 汲古宋本俞石澗收
藏後缺二卷非全書屢考其始末寄來京師跋中竟
未及此

周易裨傳二卷 宋林至

易圖說三卷 宋吳仁傑

易學啓蒙通釋二卷 宋胡方平

周易玩辭十六卷 宋項安世 大江以南抄本有五

部俱不全後起李中麓家得殘本其文獨全遂成全

書

東谷易翼傳二卷 宋趙汝諧 孔子翼文周之經趙氏

翼程子之傳 汲古閣元本最精

丁定云止卷後卷高外篇

丁定云在林至前

三易備遺十卷 宋朱元昇

丙子學易編一卷 宋李心傳

易學啓蒙小傳一卷 宋稅與權

水村易鏡一卷 宋林光世

文公易說二十三卷 宋朱鑑 汲古元本惜有模糊

處

周易輯說十卷 宋王申子 吳志伊有宋本屢寄札

東海兩公托其借校竟未借來僅從抄本付刊

周易傳義附錄十四卷 宋董楷

周易輯聞六卷 附易雅一卷 筮宗一卷 宋趙汝楨

學易記九卷 元李簡 從李中麓家藏抄本發刊後

丁云前有圖綱領三卷

健菴得一元刻書賈偽作劉跂者并假造劉跂序文

健翁云近得劉跂學易余狂喜叫絕急索觀之及開

卷即李簡之書也余云即空校正去偽序并傳皆未

從也

讀易私言一卷 元許衡 記昔未曾刻

大易集說十卷 元俞琰 此遵王元本惜屬伊人所

校板心大謬

周易啓蒙翼傳三篇外篇一篇 元胡一桂 汲古元

本

周易本義通釋十二卷 元胡炳文 汲古元本

易纂言十三卷 元吳澄

丁云有圖一卷

周易會通十四卷 元董真卿

周易本義集成十二卷 元熊良輔

易圖通變五卷 元雷思齋

易象圖說三卷 元張理 道藏本

大易象數鉤深圖三卷 元張理 道藏本

周易參義十二卷 元梁寅

合訂刪補大易集易粹言八十卷 成德編 集義粹

言本係兩書兩人所著今合編之頗屬杜撰

書

書古文訓十六卷 宋薛季宣 焦氏家藏宋本今歸

東海

尚書全解四十卷 宋林之奇 原缺第三十四卷收

藏家必有全書應訪求補全

禹貢論四卷 宋程大昌 從天乙閣抄本惜乎無圖

應訪有圖者補之

增修東萊書說三十五卷 宋時瀾 影抄宋本

尚書說七卷 宋黃度 明書帕本

書疑九卷 宋王柏

書集傳或問二卷 宋陳大猷 汲古元本

丁云從永樂大典中鈔出
見亦補全

丁云高貢山川地理圖卷
後論卷共四卷

丁云杭大字道古堂文集
有跋謂初學二字不當刪
文昭案此詳列名物說書
便初學

禹貢集解二卷 宋傅寅 宋本

尚書詳解十三卷 宋胡士行 從天乙閣抄本

尚書表注二卷 元金履祥 元刻有殘缺處補全者

未可盡信 顧伊人意補全

尚書纂傳四十六卷 元王天與 李氏元刻最精

書傳六卷 元董鼎 輯錄纂疏

書纂言四卷 元吳澄

書蔡傳旁通六卷 元陳師凱 汲古元板

尚書句解十三卷 元朱祖義 六經皆有句解不過

節畧舊註非另出手眼者

書集傳纂疏六卷 元陳櫟 汲古元板

尚書通考十卷 元黃鎮成 汲古元刻惜有缺頁應

為標出

讀書管見二卷 元王充耘

定正洪範一卷 元胡一中 汲古元刻李中麓藏本

中缺一頁從黃黎州處補全

詩

毛詩指說一卷 唐成伯瑜 李中麓抄本

毛詩本義十五卷 附鄭氏詩譜一卷 宋歐陽修 遵

王宋本伊人校勘未當深為可惜

毛詩集解四十二卷 宋李樗黃榘

毛詩名物解二十卷 宋蔡元度

詩說一卷 宋張耒

詩疑二卷 宋王柏

詩傳遺說六卷 宋朱鑑

逸齋詩補傳三十卷 宋人失名 范處義金華人南

宋初

毛詩名物鈔八卷 元許謙 汲古舊抄本

詩經疑問七卷 元朱倬 汲古元板

毛詩解頤四卷 明朱善 葉九來藏本

春秋

春秋尊王發微十二卷 宋孫復

春秋皇綱論五卷 宋王哲

春秋傳十五卷 宋劉敞

春秋權衡十七卷 宋劉敞 孫北海藏宋本惜未遵

行款

春秋意林二卷 宋劉敞

春秋名號歸一圖二卷 宋馮繼先 牧翁先生宋本

春秋列國臣傳三十卷 宋王當

春秋本例二十卷 宋崔子方 汲古舊抄本

春秋經筌十六卷 宋趙鵬飛 全書從天乙閣抄來

百詩與戴序書云馮繼先
元德蜀朝人全經孫復之旨

汲古得李中麓殘本冊用以校勘有整句脫落者其

新抄皆未愜意

石林春秋傳二十卷 宋葉夢得

春秋後傳十二卷 宋陳傅良 絳雲抄本

春秋集解三十卷 宋呂祖謙

春秋左氏傳說二十卷 宋呂祖謙

春秋左氏傳事類始末五卷 宋張沖 汲古抄本原

為姚舜咨所藏

春秋提綱十卷 宋陳則通

春秋王霸列國世紀編三卷 宋李琪

春秋通說十二卷 宋黃仲炎 東海先有抄本從黃

俞邵處來仍偽書也後汲古得李中麓所藏影宋抄本用以付刊

春秋集註十一卷 宋張洽 汲古宋板

春秋或問二十卷 宋呂大圭

春秋五論一卷 宋呂大圭

春秋詳說三十卷 宋家鉉翁 從天乙閣抄本

春秋對類賦一卷 宋徐晉卿 汲古李中麓抄本

春秋諸國統紀六卷 元齊履謙 汲古元本顏書最

精

春秋本義三十卷 元端學 元刻最精有句讀圈點

抹因中有缺頁不敢擅增句讀圈點鄙見有無皆照

大字此當入類家

元本而東海必欲一例竟未刻句讀點抹惜哉

春秋或問十卷 元程端學

春秋集傳十五卷 元趙汭

春秋屬辭十五卷 元趙汭

春秋師說三卷 元趙汭

春秋左氏傳補註十卷 元趙汭

春秋諸傳會通二十四卷 元李廉

春秋集傳釋義大成十二卷 元俞臯

讀春秋編十二卷 元陳深 元人抄本

春王正月考二卷 明張以寧

三禮

三禮圖二十卷 宋聶崇義 汲古宋本序文稍有訛

處已經改正

丁云實儼序亦不出姓名書中訛錯甚多

周禮訂義八十卷 宋王與之 李中麓宋本

考工記解二卷 宋林希逸 汲古宋本中有缺頁應

訪求補全為得

儀禮圖十七卷 宋楊復

禮記集說一百六十卷 宋衛湜 集說從兩抄本付

刻皆未盡善伊人分校成部大有乖誤後數年有項

氏宋本為骨董家所得中缺十餘卷其板最精且多

魏鶴山序一首屢勸東海借校并補刻魏序未之從

也其書今在金陵應物色得之真至寶也伊人擅亂
補遺卷數另疏別紙

禮經會元四卷 宋葉時

太平經國之書十一卷 宋鄭伯謙

夏小正解四卷 宋傅崧卿 汲古宋人抄本

禮記集說十七卷 元敖繼公 每卷後有一紙最善

惜尚缺幾卷失記其詳應訪求補足

儀禮逸經傳一卷 元吳澄

經禮補逸九卷 元汪克寬

禮記陳氏集說補正三十八卷 成德撰 不足據

衛正叔禮記集說內補遺在卷數後者

丁云刻本不修元書款式四
庫書提要曾載之卷首
自序經義考節載之益
信本有之

方聖漢云張樸村以為陸
翼王所遺樸村曾以授鄭
元經解各條司寇家

七十三卷

七十六卷

七十七卷

九十三卷

九十四卷

九十六卷

九十七卷

九十九卷

考經

考經註解一卷

唐玄宗

宋司馬光范祖禹

李中

麓本

考經大義一卷

元黃鼎

考經定本一卷

元吳澄

考經句解一卷

元朱申

論語

南軒論語解十卷

宋張栻

東海從天乙閣抄來未

可盡信

論語集說十卷

宋蔡節

孟子

丁云明皇注者今文溫
公注者古文如何合為一
書

百詩云宣公且宗廟名臣屈於南宋蔡模之後何也

南軒孟子說七卷 宋張栻 東海從天乙閣抄來即

以付刊後得最精宋本余勸其校正修板未從也

孟子集疏十四卷 宋蔡模 汲古宋本最精尚有論

語集疏應求刻之

孟子音義二卷 宋孫奭 李中麓北宋本

四書

四書纂疏二十六卷 宋趙順孫 汲古宋本

四書集編二十六卷 宋真德秀 李中麓抄本惜未

盡善

四書通三十四卷 元胡炳文

四書通證六卷 元張存中 汲古元本

丁云元人著四書辨疑者四家

四書纂箋二十六卷 元詹道存 李中麓元本

四書通旨六卷 元朱公遷

四書辨疑十五卷 元人失名 范翰林秋濤元本

學庸啓蒙一卷 元景星

百詩云總經解三字不通
之至宜乎東海云言不經某
先生眼過謬謬百出貽笑人
口

總經解

經典釋文三十卷 唐陸德明 從遵王抄本付刊伊
人所校滿紙皆訛謬武林顧氏豹文有宋本屢勸東
海借校未從

七經小傳三卷 宋劉敞

六經奧論六卷 宋鄭樵 文昭另見一書述夾漈之語蓋稍多於此書不云奧論

六經正誤六卷 宋毛居正 焦氏宋本

經說七卷 宋熊朋來

十一經問對五卷 何異孫 汲古元刻付刊惜缺序

文後汲古復得一本序文特全寫刻樣付京竟未曾
刻此亦缺典

竹垞謂奧論非夾漈所為

文昭見有序文本鈔之校
此本為完

五經測蠡六卷 明蔣悌生

共一百三十七種

館後學仁和沈廷芳校
門下士吳江沈剛中錄

此經丁君校過辛丑三月之望廬文昭閱於晉陽三五書院

丁云書僅十數番而訛錯百出

通志堂經解目錄

御製上

皇太后尊號表

子皇帝謹奏

聖母崇慶慈宣康惠敦和裕壽純禧恭懿安祺皇太后
陛下。臣聞德為福基。名因實懋。介延洪於純嘏。履祥允
協乎安貞。隆愛敬於尊稱。颺頌彌臻。夫第祿閔庥。玉顯
鉅典宜崇。

聖母崇慶慈宣康惠敦和裕壽純禧恭懿安祺皇太后。
體順凝禧。含章禔祉。璇闈晝永。頤和備尊養之儀。寶幄
春融。導豫錫貞恆之祚。勗勤思於宵旰。卅六年化叶脩
和衍慶。惠於春秋。億萬里恩周服屬。本鴻仁為遍護。欣

鳳紀之頻增。恭逢

八旬萬壽之昌辰。春暉正永。喜愜五代一堂之盛事。慈
陰方長。蓋

繁釐爲簡牒所未聞。而大禮實臣民所咸仰。前此重光
紀歲。聯珠合璧。早兆麻徽。今茲冒節占年。納賚獻琛。還
符瑞應。布述喇山莊肇建。聯情用輯。諸藩衛拉特沙塞
偕來。陪宴兼收全部。爰集冠紳而將舞蹈。敬成冊寶以
篤尊親。上稽

皇祖之隆規。方貢倍珍。夫刻玉虔晉

聖慈之徽號。儀型九重。乎范金茂典。聿昭洪稱。永洽伏
祈

聖鑒俯賜

慈俞。臣不勝顛忭之至。

御製恭祝

聖母皇太后八旬萬壽鴻稱積慶頌 謹序

臣聞思齊顯德。徽乃播音。繁祉介眉。慶宜歌頌。維天保
之福孔固。以莫不增。由嘉樂之祐自申。必得其壽。累萬
萬而推軒紀。旋八八以暢伶筦。列綦組以成文。效臺萊
而稱祝。恭惟

聖母崇慶慈宣。康惠敦和。裕壽純禧。恭懿安祺。

皇太后陛下。承天資始。斂福用敷。倪摯纘莘。駕妣任之
毓粹。撫原正域。本嫺簡之儲祥。俾壽而臧。昭德之致。日
星以爲紀。月以爲量。惟曰至於萬年。子孫其逢吉。身其
康強。推而放諸四海。茲者苞符介祉。圖筴衍禔。竝悠久

於兩儀。屈延洪之八袞。年符丕冒。運際悉新。月陽則庚
兆大橫。日德則酉占畱熟。駢彰壽牒。疊奉嘏詞。賦沿古
詩之流。五旬倣啓。頌集羣經之液。六甲環週。洎乎七十
萬壽之年。祥呈合璧。爰有六十三章之作。體衍連珠。爾
乃吉祚大來。熙臺共上。屯豐濛汜。晦服紈牛。阜遠渥洼。
道通縑馬。耕有餘者三九。扇景獲甘。蠲惟正者萬千。鑿
租漕精。三依綵鷁。標水誌以恬瀾。四奉鸞和。漲沙豐而
鞏軸。接析津之星次。海近添籌。寫岱嶽之真形。山基積
壽。廣途銓士。彙吉茅茹。特榜興賢。作人棧樸。槐街卿祿。
越百歲以獻鳩。棘院耆儒。錫乙科而鳴鹿。門旌人瑞。翁
媪齊登。書授民時。羲和增祿。凡皆寅循。

慈訓九垓。布大順之庥。實惟申錫。

景禧六幕。蒸太和之氣。況復純嘏彌厚。戩穀罄宜。秉莊
敬以日強。茂養恬之時。引松齋畱憩。頤凝性以加康。蘭
塞迴瞻。喜和神之益健。膝前子帝。蔭樾六旬。庭下孫曾。
支蕃五世。負黼辰而臻三紀。萃寰瀛以奉一尊。愛日方
升。春暉久煦。每當佳辰。令節宴侍。

顏和荷承

溫語之有加。謂可禮文之從簡。言不稱老。敢抒鞠脆之
虔。命益滋恭。彌戴恩勤之德。且夫高堂華髮。競羨萱榮。
前席彩衣。豔稱萊戲。適大年之眠食。事美含飴。羅文旦
之兒孫。人誇點頷。此在一門有喜。便成家慶之圖。矧乃

六宇同春。罕覩詩書所紀。予小子竝受其福。故能以孝事親。惟

聖母長發其祥。是謂承

天之祐。慶逢祝嘏。忻展呼嵩。故都福之庭。

璇宮賁采。崇歸善之典。

璆冊肇尊。寶甕八鴻。春盈瑞露。金函四果。壽普

慈雲。擊壤聽歌。軒衢稱第。筐篚備陳。庭之實。絲綸宣錫

類之恩。嘉予九有臣民。共茲大慶。外逮四裔。君長莫不

來同。盛禮咸昭。上儀具舉。濟一世於仁壽。無疆惟休。合

萬國之歡心。有秩斯祐。臣愉殷酌。斗忭溢循陔。十六字

義釋

鴻稱億萬年詞。申燕喜。結纏綿之至性。緒倍抽絲。迓曩
羨之

貞齡。繡徽添線。鸞璫八疊。王母歌介壽之章。雲錦七襄。

天孫獻長生之籙。兆綏

洪算。載晉長言。頌曰。

昊綽凝命。誕昇我大清。累洽長熙。率俾絃瀛。厚載光大。

至哉坤元。登虹附樞。亶毓祥源。肆台小子。依

暉。卽祚尊以

聖母。養以天下。叶樹

德孔峻。納祿式固。夏乎禕而三五靡竝。萬福來崇。

一人有慶。崇慶第一章

維

聖母之慈。以篤藐躬。鞠育顧復。自我童蒙。六十年於茲。與日俱長。叶尚迪

彝訓。聿臻大同。夙興

瓊闈。其曷敢不宵衣。分甘席順。其曷敢不旰食。叶費哉

負宸。惟日孜孜。佐歡適豫。顯副

翼貽。宣服中外。維

聖母之慈。慈宣第二章

鴻化洋洋。德音滂滂。亦既康止。匪居匪康。掖輦行慶。以巡四方。壽相臺懷。天中嵩洛。齊魯東奄。吳越

南宅。叶陪京旬服及河喬嶽惠綏萬民慶賞乃作睿顧

以懌而康而安。湛恩既申。祝頌闐歡。康惠第三章

安土敦仁。坤輿廣生。理大物博。蕃庶盈寧。秋弛輸秸。夏

貸稅畝。藏富在民。財可以阜。數逾千萬。推澤敦厚。朝陽

翮羽。中止菁莪。有孝有德。武舞且歌。以和召和。乃大和

會。調幕登臺。兆民永賴。敦和第四章

邇隆垂裕。裕乃以民寧。長之養之。嚶嚶羣生。遊於化宇。

皇人多壽。其爾有位。國之耆耇。或祿成均。或續賢書。或

偕期頤。綽楔表閭。三元甲子。循環遞嬗。惟臣庶介。釐

聖母錫羨。合萬萬人。奉萬萬壽。裕壽第五章

猗歟

純禧同天所燾。昔定武功。粵晉

大號。久底救寧。文同五譯。馬貢龍駮。雁臣玉帛。戊己告

豐。田田宅宅。一尉一候。誕受方國。惟德之純。膺禧單厚。遠二萬里。奔走恐後。自密都以東。咸

徠獻壽。純禧第六章

周銘有言。惟恭則壽。昭哉

聖母。徽柔是篤。叶課晴問雨。以勸占農。率作蠶事。分繭

稱絲。効功。暢春祁幄。

壽康莘宮。端居順動。

示矩表冲。恪秉淵懿。克勤克儉。彼哉明德。徒飾衣練。彤

史書型。莫窮紀撰。恭懿第七章

全德胥彰。顯名丕揚。第祿多益。

慶辰迎長。儀備禮洽。彝典何加。摺

冊東朝。隆以荇華。令善高厚。莫贊一辭。吉語臚實。上祝

安祺。其安維何。如彼南山。其祺維何。福海大環。引申繼

續。京垓紀年。安祺第八章

贈兵部尚書盧奕謚正烈議

唐會要

太常博士獨孤及議曰盧奕剛毅朴忠直方而清勵精
吏事所居可紀天寶十四載洛陽陷沒於時東京人士
狼狽鹿駭猛虎磨牙而爭其肉居位者皆欲保性命而
全妻子或競先策蹇爭脫羿殼或不恥苟活甘飲盜泉
奕獨正身守位義不去以死全節誓不辱勢窘力屈以
朝服就執猶慷慨數賊梟鏡之罪觀者股慄奕不變色
西面辭君而后受害雖古烈士方之者鮮矣或曰洛陽
之存亾操兵者寔任其咎非執法吏能抗師敗將奔
去之可也委身寇讎以死誰懟及以爲不然勇者禦而
忠者守必社稷是衛則死生以一危而去之是智免也

忠于何省苟息殺身于晉不食其言也仲由結纓于衛不避其難也季冥勤其官而水死守位而忘軀伯姬待姆而火死先禮而後身也彼四人者死之日皆于事無補夫豈愛死而賈禍以爲死輕于義而捐生古史書之使事君者勸然則祿山亂大于里丕奕廉察之任功于季冥之官分命所繫不啻于保姆逆黨兵威烈于水火于斯時也與能執干戈者同其戮力挽之不來推之不去豈不以師可戲虜免不可苟身可殺節不可奪故全其特操于白刃之下孰與夫懷安偷生者同其風義謹案謚法圖國忘死曰正秉德遵業曰烈奕執憲戎馬之間志藩王室可謂圖國之危不能拯而繼之以死可謂

忘死歷官十一任言必政事必果而清節不撓去之若始至可謂秉德先黃門以直道佐時奕嗣之忠可謂遵業請謚曰正烈從之

戒三習一弊疏

孫嘉淦

左都御史吏部侍郎臣孫嘉淦謹奏為勉竭愚衷仰

祈睿鑒事臣一介庸愚學識淺陋荷蒙皇上

隆恩畀以風紀重任日夜悚惶思竭愚夫之千慮仰贊

高深於萬一而每月以來捧讀上諭仁心仁政

剴切周詳凡臣民之心所欲言者皇上

皆已行之矣臣愚無可言所欲言者皇上之心而

已我皇上之心仁孝誠敬明恕精一豈復尚有可

議哉而臣猶欲有言者正於心無不純政無不善之中

而有所慮焉故過計而預防之也今夫治亂之循環如

陰陽之運行坤陰極盛而陽生乾陽極盛而陰始事當

極盛之際必有陰伏之機其機藏於至微人不能覺而
及其既著遂積重而不可返此其間有三習焉不可不
慎戒也主德清則臣心服而頌仁政多則民身受而感
出一言而盈廷稱聖發一令而四海謳歌在臣民原非
獻諛然而人君之耳則熟於此矣耳與譽化匪譽則逆
始而匡拂者拒繼而木訥者厭久而頌揚之不工者亦
絀矣是謂耳習於所聞則喜諛而惡直上愈智則下愈
愚上愈能則下愈畏趨蹌諂脅顧盼而皆然免冠叩首
應聲而卽是在臣工以爲盡禮然而人君之目則熟於
此矣目與媚化匪媚則觸故始而倨野者斥繼而嚴憚
者疎久而便辟之不巧者亦忤矣是謂目習於所見則

喜柔而惡剛敬求天下之士見之多而以爲無奇也則
高己而卑人慎辨天下之務閱之久而以爲無難也則
雄才而易事質之人而不聞其所短返之己而不見其
所過於是乎意之所欲信以爲不踰令之所發槩期於
必行矣是謂心習於所是則喜從而惡違三習旣成乃
生一弊何謂一弊喜小人而厭君子是也今夫進君子
而退小人豈獨三代以上知之哉雖叔季之主臨政願
治孰不思用君子且自智之君各賢其臣孰不以爲吾
所用者必君子而決非小人乃卒於小人進而君子退
者無他用才而不用德故也德者君子之所獨才則小
人與君子共之而且勝焉語言奏對君子訥而小人佞

諛則與耳習投矣。奔走周旋，君子拙而小人便，辟則與目習投矣。卽課事考勞，君子孤行其意而恥於言功，小人巧於迎合而工於顯勤，則與心習又投矣。小人狹其所長，以善投人，君溺於所習而不覺，審聽之而其言入耳，諦觀之而其顏悅目，歷試之而其才稱乎心也。於是乎小人不約而自合，君子不逐而自離。夫至於小人合而君子離，其患豈可勝言哉！而揆厥所由，皆三習爲之蔽焉。治亂之機，千古一轍，可考而知也。我皇上聖明首出，無微不照，登庸耆碩，賢才彙升，豈惟竝無此弊，亦竝未有此習。然臣正及其未習也，而言之設其習，旣成則有知之而不敢言，抑或言之而不見聽者矣。今欲

預除三習，永杜一弊，不在乎外，惟在乎心。故臣願言

皇上之心也。語曰：人非聖人，孰能無過。此淺言也。夫

聖人豈無過哉！惟聖人而後能知過，惟聖人而後能改過。孔子曰：五十以學易，可以無大過矣。大過且有小過，可知也。聖人在下，過在一身；聖人在上，過在一世。書曰：百姓有過，在乎一人是也。故曰：文王視民如傷，望道而未之見；文王之民無凍餒，而猶以爲傷。惟文王知其傷也，文王之易貫天人，而猶未見道。惟文王知其未見也，賢人之過，賢人知之，庸人不知；聖人之過，聖人知之，賢人不知。欲望人繩愆糾謬，而及於所不知，難已。故望皇上之聖心，自懷之也。危微之辨，精而後知；執中難

允一念戲豫。渝天之命。何時敢自寬也。懷保之彌弘。而後民隱難周。一夫不獲。時予之辜。何時可自慰也。謹幾其未能夫。而後欲然不敢以自是。不敢自是之意。流貫於用。人行政之間。夫而後知諫諍切磋。愛我良深。而諛悅爲容者。愚己而陷之阱也。夫而後嚴憚匡拂。益我良多。而順從不違者。推己而墜之淵也。耳目之習除。而便辟善柔便佞之態。一見而若浼。取舍之極定。而嗜好宴安功利之說。無緣以相投。夫而後治臻於郅隆。化成於久道也。不然而自是之根不拔。則雖斂心爲慎。慎之久而覺其無過。則謂可以稍寬。勵志爲勤。勤之久而覺其

有功。則謂可以稍慰。夫賢良輔弼。海宇昇平。人君之心。稍慰而欲少寬。似亦無害於天下。而不知此念一轉。則嗜欲宴安功利之說。漸入耳而不煩。而便辟善柔便佞者。亦熟視而不見。其可憎久而習焉。忽不自知。而爲其所中。則黑白可以轉色。而東西可以易位。所謂機伏於至微。而勢成於不可返者。此之謂也。是豈可不慎戒而豫防之哉。書曰。滿招損謙受益。又曰。德日新。萬邦惟懷。志自滿。九族乃離。大學言見賢而不能舉。見不賢而不能退。至於好惡拂人之性。而推所由失。皆因於驕泰。滿與驕泰者。自是之謂也。由此觀之。治亂之機。轉於君子小人之進退。進退之機。握於人君之一心。能知非則心

不期敬而自敬。不見過則心不期肆而自肆。敬者君子之招而治之本。肆者小人之媒而亂之階也。然則沿流溯源。約言蔽義。惟望我皇上時時事事常存不敢自是之心。而天德王道舉不外於此矣。語曰：狂夫之言而聖人擇焉。臣幸生盛世。昌言不諱。故敢竭其狂瞽之論。惟皇上包容而垂察焉。則天下幸甚。臣謹奏。

順天試牘序

孫嘉淦

國家之所用者人也。而其取人也。以文人之所以用世者道也。而所由見用於世者亦以文道。不易得而文可以襲取也。上之人不辨其發於文者。果實得者乎。抑襲取者乎。而第曰文焉而已。求道者為其難而未必售。襲取者為其易而未必不售。彼樂於其售之易也。於是乎襲取者愈多。而志於道者益鮮。將懲是而廢文。別無取士之法。循其故轍而取焉。恐國家不收得人之效。然則如之何而可。曰：仍於其文焉。辨之。今夫魚目與隋珠。砥與和璞。相似而絕不同矣。深山大澤。其境無窮。未至而懸意之。雖極言山林之宵冥。水波之汪洋。究不能確

指其巖谷之中。實有何物。往來出入。何道之從也。而身歷乎其途者。不必鋪張揚厲。徐而述其一石之向背。一境之曲折。較然不爽。識者遂知其果寢食坐卧於斯也。然則實有得於道而言其所見。實無見於道而言其所聞。淺深浮切。其必有辨矣。孔子曰。惡似而非者。苟不惑於似而求其真。則文即所以載道也。安見筆之於紙者。非即行之於其身者哉。聖天子振興文教。加意作人。余荷隆恩。視學京畿。首善之地。風氣之先。故其去取尤不敢忽。雖學淺才疎。不能盡知文章之變化。要歸於摠發性靈。自道其胸中之所見。凡不切之陳言。槩乎未有取焉。蓋求不惑於其似也。因拔其尤者付之梓。

使求售者觀之。知襲取之必無可倖。將肯為其難而求有得於道。則未始非扶持人心。轉移世道之一端也。

舉業定本序

楊名寧

余天賦謏疎。人成濩落。愧乏人師之義。懼爲學者所嘲。感王瑄於居諸。念寸陰而征邁。夫扶風設絳。吾道乃東。趙郡謝青。明經則是。二三子以英妙之器。事科舉之文。將欲上揖汪楊。何止肩齊湯李。然而徑途肇闢。長安每苦於狹邪。調律未純。大呂或淫於甫草。惟離米別色。暗室而黃碧昭然。易牙辨味。同器而澠淄判矣。粵若究孔周思孟之奧指。鑽鄭王邢賈之宏章。彙濂洛閩閩之精英。騁左國史騷之軌轍。去粗存液。同歸殊途。發金石之音。坦莊康之步。偶時則雲躍。藏器則泥蟠。固儒學之上乘。乃吾生之景範。但性情匪洽。好惡難諧。鹽味見斥於

瑯琊醋芹獲珍於鉅鹿。爲食既爾。惟文亦然。敷政周官。僞書見詆。傳經梁赤。膚淺貽譏。賈生政事之疏。北地言其疎畧。董氏天人之策。紫陽核其不精。第觀指摘所加。實乃瘡痍非遠。至於柳子傾懷於毛穎。朱王絕倒於老拳。更五字則士季呈材。讀一言而元禮得賞。別爲嘆咤。各有神奇。良莫諭於他人。祇可怡於在己。以故蒼黃相亂。愛憎相攻。野鳥爲鸞。黃金似土。騏驎在阜。伯樂難逢。鼠璞藏筭。燕人弗悟。藝苑起縱橫之術。雄伯雌王。文壇爲廣武之原。主劉奴項。若欲辨其雅俗。審厥貞邪。以獨造之心。律馮生之腹。豈非糾紛極致。錯互無窮者也。然而王爾持衡而鑿枘同。伶倫執管而雅頌協。立乎不加。

之體。審乎無假之淵。雖有好竒。莫之所能。乃檢英賢之衆。製度以規矩之大方。定作百篇。撰爲二卷。畧明去取。頗具蒐羅。无咎編集之名。孟德行軍之令。不拘成迹。要近正聲。雄偉不常。江神著望。風流自喜。玉樹映標。蜀江耀濯。錦之光。豐邑煥燭。天之彩。彬彬蔚蔚。璨璨瑤瑤。應是地靈。豈非人傑。不缺許公之勢。懼於無稽。間折郭子之中。想同有道。大抵縹緗素業。上纂統於先民。卷帙爰昭。俾垂聲於後裔。但弗詭於聖賢之志。即可奉爲模範之篇。區區又貯之胸。切切不忘之守。如斯而已。又多乎哉。來者難誣。後生可畏。二三子謹斯術也。以往弗見。異焉而遷。竭我才於舊編。試問途於茲集。知雉芟之微指。

結傲擬之曲誠榮名去來厚實得失同聲相應同氣相求必有合焉非敢欺也若云齊門操瑟不及吹竽平漫屠龍無如捕鼠洛下有倉父之賦郢中留不和之歌高言不止於衆人之心至言不入於庸流之耳休時好而自沮隳故業以從人所謂楚既失之齊亦未得消難數易於歡泰莫適爲臣壽陵學行於邯鄲失其故步文藝豈勞人之役翰墨亦君子之助毋乃太勤抑非大足有心者不取無志者鑿諸人亦有言其則不遠用功深者收名遠信道篤而自知明學士之良規文公之美意請敬質之往昔毋謂余言不然彊圍作噩之涂月武屏楊名守序

重脩明鳳陽府知府顏公血石墓記

孫維龍

明故知鳳陽府事顏公容暄以城陷誓賊死事載鳳陽府志與明史江南通志略同按志公以崇禎六年來守是邦時流寇已蔓不可治公訓練部民保護陵寢甚力八年正月張獻忠攻鳳陽公遣卒三千人從畱守朱國相指揮袁瑞徵等逆賊上窰山戰多所斬獲俄賊衆掩至國相力竭自刎死餘衆皆沒公聞敗冠服坐堂上賊至此公降不屈粹之踣大罵不絕賊怒殺而燔之其血漬塔石上成人影像公陰雨卽見郡人取石立冢建祠祀之公之大節如此而史略又謂公囚服匿獄所爲賊

獲者。今史氏取其說。兩存之。及得邑人尹端作公殉節詩。力雪其誣。其跋語謂公性伉直。不諧於當時之群小。故污之。端與公同時。必得其實。夫小人妬害君子。往往流傳口說。冀亂其真。昌黎所謂如巡遠之所成就。猶不得免者也。端之憤發。馳辨宜哉。然以此益知公巖嶽峻立。爲政不苟。狗人其忠義。蓋出於素定。非夫倉卒慕效者比也。余承之茲邑。慕公之節。問其祠。祠久圯。求其所謂血石墓者。府志不言所在。亦見之尹端詩云。吾師竹虛公。營葬朝陽側。暇日與訓導吳君訪之。最後有老諸生柳衡長及耆民魏世蛟等曰。有之。此吾先世祖父所昇而葬者也。引至獨山東南。指荒塚以告曰。此是也。墓

故無碣。今獨數家子孫傳識之。更後數年。將遂失其處矣。余肅然亟命工脩築。立石以表。且加封樹焉。噫。公之節。爲妬害者所誣。得尹端雪之。今其墓就湮沒。得當日昇石者。子孫識之。皆非偶然者。夫表微脩廢。以式今而考信於後。令之責也。抑公之精爽。固有鬱積於冥漠中。而不可沒者歟。於是乎書。大清乾隆三十四年四月朔日。

宜樓記

孫維龍

縣治廳事之東南。舊有文昌閣。久圯。余將改而新之。形家言東位乎震。宜於高。遂建樓三楹。繚以欄楯。仍爲文昌祠其上。以斯地之宜於樓也。名之曰宜樓。樓之西南層峯疊嶂。直走荆塗。北帶長淮。煙駟雲鶩。迤邐而東。山盡天低。洪湖在目。山川環合。信乎其爲登眺之宜也。雖然。將不惟樓之宜而已。傳曰。物土之宜。而布其利。書曰。我民迪小子。惟土物愛。厥心臧。夫能辨土宜而敏於作勞。於以長子孫。奠家室。乃無有不臧者矣。鳳陽在明代爲中都。洪武初。徙江浙富民十四萬戶實之。號稱繁庶。中葉以後。值歲歉。輒稍稍散去。流寇之亂。屠掠至慘。逮

我朝安輯撫綏而後克享太平之福。顧邑瀕於淮，屢有偏災。數十年中，蠲租賑貸，恩旨頻仍，宜無不安其居，樂其業者。而吾民孺染積習，暘雨偶愆，拋棄土田，挈妻子遠去，聞賑而歸，坐飽官帑，率以為常。夫瘠薄之土，經災傷之餘，又不加以勤苦之力，地即不愛寶，惡能自出其力。供情農者坐食哉。嗚乎！吾民其亦何樂於是。將勞來而鳩集之者，未得其方歟。抑習以為俗者，不可卒更歟。將風土固然歟。今試憑樓而觀，自近郊以達遠坳，高者宜麥，宜秫，宜菽，下者宜稻，宜稌，依山傍湖之地，宜桑，棗，宜漆，林宜蔬，土非不毛也。隄防宜築，請帑脩之。陂塘宜濬，下令濬之。有司非不董勸也。然則率其婦子，集其主

佃，淬其錢，鎛耒耜，以盡力於土，宜而生其心之善，所以慰當宁之心，而下寬官斯土之責者，胥於是乎在。吾安見瘠薄者之不為沃壤，而久荒者之不為屢豐也。考斯樓之成，因記其語於壁，以誌吾所屬望於鳳人者。惟其井疆風物無一之不宜庶乎，吾亦得以樂斯樓之所宜也。乾隆三十四年正月元日

韓烈婦小傳

閻循觀

烈婦濰縣諸生韓夢齡側室。夢齡以乾隆二十九年七月二十六日歿。既而烈婦所生一子一女亦相繼殤。烈婦遂殉。十二月十日也。年二十有五。署教諭孫君熒。署訓導孔君繼。睿知縣葉君道。治聞之。皆曰。按功令。夫死而殉者。不概予旌表。則以或有養老字幼奉祭持家之責。不得以一死自了也。若李氏者。其家長父母俱終。所生子女又夭。嫡室李氏在。而嫡長子已成人。於是四者皆無所憂。於義可死。於例宜旌。遂以告於上官。而請題焉。烈婦邑人李斌之女也。幼而端嚴。見羣兒戲。嬉去弗視。年十八歸。夢齡事夢齡母以孝稱。家素貧。薪水之

勞一身任之。無幾微怨尤意。夢齡歿。烈婦哭之甚哀。聞者悲焉。及子女俱殤。不復哭。陽澣布擊絮。為禦寒計。得間。遂入磴室中。自經。屋梁既昇。而懸麻。又低。烈婦長跼。俯首以死。面如平生。三日而殮。有香盈室。人莫不異之。傳聞人之自經。身痛苦如燔。久而後絕。雖激於氣者。往往自悔。但懸不可下耳。烈婦之縊。殆生死可自主。全任己力。以致其絕。豈復知其為苦哉。其死也。無憾容。無慘狀。蓋其未有所苦。而然也。人苟安於義。雖致死之際。所謂無入而不自得者。未嘗不存。君子更何戚戚之有哉。烈婦之大義。諸君所表揚備矣。予併論其所存焉。十二月二十日。昌樂閣循觀撰。

送抱經前輩之晉陽次雷別韻

程晉芳

柳之柔枝可贈行。一鞭遂已別春城。唐風魏什譚詩柄。故絳新田問古情。物產駢闐稽晉問。文章宗派主齊盟。續成箋疏如相寄。能遣祛疑眼界明。

得抱經前輩手書詩以奉報

鳳城寒未深。三晉間有雪。馳思獲近音。款語敘曲折。將行被苦畱。遂擬過臘節。梅謝柳未花。茲時當返浙。衰年久為客。於計本來拙。十口易驅人。覽古亦滋悅。不知河朔間。得幾許碑碣。歸哉理舊籍。是否有殘缺。鑒識若燈明。寫帙恣評閱。禮樂稽度數。禽蟲箋瑣屑。證之千古心。成此一家說。年來師友輩。雨散晨星滅。靈光幸巋然。競

許大師哲優游杖屨撰寥闕門庭閉龍井淪名茶西溪
聽吟鷓裝書問吳興賣炭逢越絕何時款幽扉以釋此紆
結

聞抱經前輩明年仍留晉陽再疊前韻奉寄

裁書鞠有黃條已過小雪水澤腹欲堅嶺岫梅可折耿
耿抱冬心落落懷古節將去聞復留春末擬還浙適來
誠有數且佳諒非拙矧有賢主人書史共怡悅晉祠流
湛碧大鹵訪苔碣神完喻璞玉不比干將缺鄙人蠶蝟
縮第取古經閱恆思策蹇從未獲擺塵肩終期返南甸
靜檢農圃說於時公亦歸書燈影明滅持軸相證質我
聞公惟哲叩之如啟鑰千闔洞弗閉芳草卽云凋尚可

聽寒鷓庶其多撰著遠遠流勿絕遙吟以相報天未晚
雲結

乾隆己卯歲抱經盧先生掌教暨陽書院辛巳
之夏曦明始謁先生於輩學軒一見款洽踰其
涯分甫半載而先生辭講席束裝赴
闕過從日淺知己感深輒忘鄙拙獻詩二十四韻

趙曦明

天上文星麗人間哲匠尊翩然來下邑豁爾開師門髦
俊依巾屨淵源解討論綴文歸雅正殖學務株根子弟
同筭濫提攜賴手援犬豚寧勝表蘭玉漸希元對浪魚
思躍瞻雲鳥欲拚裁成雖識感銘德竟忘言豈翳清光
遠其如暮氣渾三年經代序半刺昧投閣尚白應加誦
垂青更用恩自從勞物色便到削寒溫
和氏憐燕石牙

生愛越盆遂教明燭火不使掩朝暎座上情逾洽砌前
花復繁特開金屈戌招共玉蕊崙汪度真難測奇懷詎
可諠敢期窺奧突猶冀託籬藩
國慶開閭闔臣心逐輕軒諸生皆尚悅一士欲潺湲方
悔依仁晚何堪別袂翻受知無以報含意不勝煩
大聖居宸極名儒返掖垣草茅吟誦暇傾耳聽
綸言

祝盧母張太恭人八十壽

彼蒼最重無如壽苟非其人不輕授必逢裁者始加培
繁祉因之輻而湊范陽賢母張太君璇閨淑譽夙有聞
鴻儒選德續中饋事姑育子忘辛勤長君學士今韓子

扶剔爬羅空經史鳳池龍闕鏘鈞韶嶺表湖南樹桃李
我初晉謁在暨陽辱收子姪居門牆接膝偏遲分手疾
家風畧識恨未詳爾後違離紀有年積書飽我鍾山畔
間時尊酒話平生秋月春花屢回換自言少小失所恃
太君歸時未齧齒保護維持體恙精離裏屬毛真不啻
侵晨捧帙勅從師餘力尚恐荒於嬉篝燈勉使理夜課
課畢更授唐人詩談笑歡中雜悽咽此意不傳傳已徹
欲畱難免溫清疎欲去未見禮貌缺天公暗與定行蹤
無端故使違言逢先生拂袖瞥然起攜我弭節飛來峯
衣冠拜母高堂上見校所聞過望次君莊栗氣逾和諸
孫馴謹神偏暢一堂四世侔春溫吉祥善事凝清門如

幾如式豈倖致良由固柢深其根景接繁華大正來太
君九秩瓊筵開上員林西園思旌貞壽慶他日十旬先進長生杯

述德抒情四十韻祝繁齋先生六十壽

星是奎中旦旬當月載生古防蟠淑氣銅扣挺文英
玉殿傳金榜巍科闡大名粵東桃李植湖表鼓鐘鏗條
爾緣微疾飄然出上京鍾山師席曠使相幣書迎負
笈來千里樞衣滿二鬢青瓊臨幕府絳帳照空明下走
真無補高賢獨有情招離江上宅爰止石頭城講學陪
朝旭論詩坐夜更新機時互引舊緒每交縈憶掌吾江
教爭馳赴海淫勞謙緣德厚守拙爲身輕叔度陂難量

冰夷望已驚不觀君子坦那悔小人啞啞妙義方徐探深
杯正細傾溥天傳

國慶遠地獻葵誠祖席睽行色驪歌擁去旌雲泥原異
迹鵬鷗果殊程屢換銜蘆客俄聞款戶伴重逢私倍慊
再別怨彌盈靜掩柴扉臥閒依柳岸行苟遭風雨夕輒
念後先庚辛巳夏明始謂先生於華學軒是冬入京至己丑歲秋復自京來江只道常分

析何期又合并萬年枝共蔭八德水同烹良月隨時換
名花取次評妍詞乘興吐里句抱慙賡蟾梧賓三讓莫

窺葉卉榮

明自甲午歲孟春到書院至此年季夏恰三十日

伊川神轉旺蓬子

詣逾精長夏當初度諸生捧巨觥筵開瓊燦爛屏展錦
崢嶸西極璇諧曲南飛雀倚聲蓮華搖孔翠松鬣泛等

笙^笑映我翰窺豹從公効挈瓶洪流沾浩浩微草伴菁菁

前後聯舍諸君驥尾蒼蠅附散材大匠呈徒然承款接

何以蒼生平飲嗜鏤金采潛描凍茅萌只虞還

輦轂翹首望聃彭

林向腹七台并萬年共齒入謝水同烹身且顯和

余戲亦爽利以真神賦五光

再似以厥盈請飲榮華如隔劫

並謝賜

國慶

材五賦

水美



卷之五